

連江縣志卷之一

建置

連依山襟海幅員百里亦古諸侯華離地帝世不通上國秦漢而後稍立爲縣溯晉太康以來迄今

聖天子御極之十載已千五百二十有四年於茲矣繼此奠蘿圖握撓算我

國家繼繼繩繩正未有艾也夫溫麻之號時近蠻語幾於蓋屋盱眙南北不識若其大江前橫盈盈如束稱名辨物宜在於斯豈同萬年登封之後祥秭歸烏傷之紀事已哉

連江縣志

卷之一

建置

一

興廢沿革代有嬗更亦考古之林也志建置

夏少康封次子無餘於會稽閩地隸之周爲七閩春秋時併歸越越王無疆爲楚所滅戰國屬楚秦滅楚分爲閩中郡漢興封無疆七世孫無諸爲閩越王厥後王郢擅攻擊漢兵討之其弟餘善殺郢繇王居股又殺餘善武帝以爲阻悍數反覆徙其民於江淮間竄山谷者後稍出自立爲冶縣

吳爲建安郡領縣四候官建安漢興南平孫權遣潘璋造船於閩以此爲船屯名溫麻鎮屬建安郡

晉太康三年分建安為晉安郡領縣八原豐新羅宛平同安侯官羅江晉安溫麻溫麻縣始此

陳光大元年改晉安為豐州

隋開皇九年改豐州為泉州溫麻皆屬之大業三年復以

泉州為建安郡領縣四閩建安南安龍溪省溫麻入閩縣

唐武德間改建安郡為建州又改為泉州都督王義童復

析溫麻地置縣改名為連江縣又析本縣東北地置長溪

五縣

今為福寧府

俱屬泉州領縣五閩侯官長樂連江長溪開

元間改泉州為福州天寶初改為長樂郡乾元元年為福

連江縣志

卷之一

建置

二

州領縣十閩侯官長樂福唐連江長溪古田梅溪永泰尤

溪大中元年觀察使韋岫析連江北一鄉為羅源場

五代唐同光四年王審知死子延瀚偽號大閩長興三年

王璘代立僭號改元升長樂府領縣十四閩侯官長樂連

江長溪古田尤溪永福閩清福清永貞

即羅源

順昌寧德德

化

晉開運元年析順昌

漢乾祐元年領縣十一以尤溪隸建州以德化歸泉州

宋太平興國三年領縣十二閩侯官福清古田永福長溪

長樂羅源閩清寧德懷安連江乾興間復改長樂府爲福州領縣十二閩侯官懷安析閩縣九都置長樂連江長溪古田永福閩清福清羅源寧德淳祐中領縣十三析長溪西鄉置福安景炎元年升福州爲福安府

元稱福州路至元十五年領縣九閩侯官懷安古田閩清長樂連江羅源永福州二福清福寧至正末年爲陳友定所據

明洪武元年又改路爲府二年改福清福寧爲縣成化九年升福寧爲州以福安寧德屬之萬歷八年福州領縣九

連江縣志

卷之一

建置

三

省懷安入候官連次居五

國朝順治三年平閩因之乾隆元年福州領縣十析古田地置屏南連次仍舊

連江縣志卷之一

山川

建都覽六合之大勢建郡與邑覽一方之大勢要皆相山川分會而擇其奧區以為治所譬諸人身焉山軀體也川榮衛也軀體榮衛固而身可長生山川靈秀聚而人斯永利此辨方正位者所為必度地以居也連邑山水雖勢趨省會而蜿蜒磅礴具有自成結撰之致豈日彈丸綿蕞云爾哉志山川

何喬遠閩書云三台外輔五馬內朝蝶案沉水筆峯聳天

連江縣志

卷之一

山川

一

古識云鳳凰鼓翼如飛渡上下長汀侵雲霧蝴蝶案在水

中央定出三台與四輔連稱鳳邑鳳汀在治西八里

有上下二

汀舊傳朱雀集其上今盡墜

蝴蝶案隱於萬石江心形如蝶之舒翅見

則邑有登第者

在南橋下兩旁十二景一日蝶案潮平趙善謚詩潮去歸東海潮來與月生鳳汀猶

未沒蝶案已先平拍岸東西濶澄空上下明乘風非我意從此濯塵縷

先是連治在伏沙

在今

治東三里

後徙卜於此遂踞山川之勝而伏沙轉為附郭闡闡

之所矣

俗名白沙十二景一日伏沙雨牧鄭建翰詩來思牧事寄平坡烟霧霏霏長綠莎一幅桃林誰畫得

長鞭短笛雨中簑

山之在城內者曰文山為學宮屏衛雖人力所

培而其勢與城外羣峯有拱揖聯絡之概通邑於此覘文

運焉

宋嘉祐十三年知縣趙汝訓濬鳳池因地培成寶祐二年常擬增之 國朝雍正癸丑知縣袁本濂重增

嘉慶四年濬河復加培築山左右有二池一日文一日武亦宋時鑿乾隆己未知縣戚崧言重修

城外之

山分正脉護脉正脉自羅源尖山分祖鼇峯過峽稍右曰

紫霞山

一日紫羅山

左障叠聳曰文殊山治正北六十里崔嵬

壁立有獅象莊嚴之相故名

舊志古謂連山自福寧霍童而來脉遠難尋而前志稱本

邑祖山有二脉自正北方來曰文殊自西北方來曰白巖

二山各勃舉伏起數十里會合朱步羅崙口以入治今據

堪輿家詳察白巖山一脉至上社口為牛溪隔斷惟文殊

山直由真如由朱步入治為正脉其白巖山一帶至上社

山止為

護脉世傳宋林確夜夢巖間電光四起晝往視石罅中

有文殊像遂構屋為龕居之有洞在羣玉峯西危石突然

連江縣志

卷之一

山川

二

昔章壽修煉之所曰章突洞由文殊山南下曰南洋至真

如則衆山羣出矣其一支東出者入鑪山為邑治東北方

海上諸山祖脉其頂若香鑪狀道書云七十一福地

山博厚圓

秀自下至巔復自巔降有窩畝許產茶最佳九域志云邑

人章壽學道於此得仙有爐尚存山南有峯曰章仙峯有

磨劍石煉丹井掃壇竹石棋

有瀑水百餘丈下入鑪溪

十

景一日香鑪曉瀑周正子詩樹杪干尋白雲中一派青清

冷懸鳥道飄洒落塵襟瑩色澄天鏡寒聲透石林棲遲猶

未遂徒想謫仙吟鄭霄詩紫蓋香爐繡碧苔玉皇案下谷

簾開落虹飲澗羈難住渴驥奔泉喝不回削壁勢懸天半

雪飛湍聲碎地中雷廬山面目章峯跡吟就青蓮絕點埃

孫澄詩一派飛泉挂碧空銀河隱見五雲中濤聲遠震千

峯响山勢廻環萬壑通匹練長留太古雪珠簾時

宋開寶

捲半天風烏巖片石憑天險遙接滄溟大海東

六年禁人樵採嘉祐三年降金龍玉簡以祈聖嗣法侶朝

拜王謝仙跡在焉跡長二尺許宋鄭鑑詩峙立蒼茫紫翠間疎簾半捲鎮長閒神仙自有祈年術

一縷青煙起博山其一支東北出者曰大鐘山保安建興之祖山

也勢雖不趨縣治亦與擁從而行至於古圳又分為兩支

一支為高洋東下頤起積石文峯上有蝦蟆石大如室元孝子王志居蟾蜍園即

此盡於東山之文屏山右一支自牛洋經善美峯過半塘

逾元柄起大鐘山作五龜入海一龜回頭狀是為馬鼻與

鑪峯對峙陳氏世居其地其下為下井明威繼光平倭於百丈巖

即此也至一支由真如正出者羣山擁護高起兩峰西而

連江縣志

卷之一

山川

石際至山腰度峽則為長龍諸地皆大氣所蟠衍也直至

洋門峩峩雲構越東塘矮嶺以下趨兩水夾護左從烏巖

奔瀉流達財溪財溪一水舊流向經九龍山下為邑旺水今塞右從洋門灌輸出

上社入牛溪至此水隨乎山覽形勢者無不井然矣由是

更歷三望東南轉矮嶺入朱步係治脉過峽處山腰有塔吳文華為祖墳造至

羅崙出塘後上下汀聯絡伏起由觀音閣寶華山山中有石室頂

有塔曰定光十二景一日寶華晴嵐趙善謚詩寶色晴光

合浮嵐薄翠微天開今覺路洞鎖古神扉淡拂山僧帽閒

隨野客衣日斜涼過玉泉泉出兩峯間色澄味甘上有玉泉巖矜羊洞仙枕巖十二景一

吹起林壑更依依日玉山聽泉吳孔錡詩鳴泉出洞潔而瑩盡日鏘透迤而

鏘解珮聲絕俗不須頻洗耳試聽餘响自心清

下實為建治之所其西曰西山

在濂湖上即筠溪

自文殊至此約

百里此為縣之正脉

護脉曰白巖山治之西北六十里

高聳竇出雲表為西北方羣山之宗自西而下入白蓮山

利畚山又由松光至陀山高峻削拔山下曰陀市又東越

周溪口入西上社山止於牛溪與東上社黃灣溪東山隔

溪相對

朱步山而下東分大支入縣治西分小支即黃灣溪東也

為西方拱輔此為縣

之護脉

治南案山發脉自侯官壽山至連界曰湯嶺山

下曰湯店

嶺下有溫泉泉邊有中深亭連邑至省舊路在泗水碑上知縣袁鑑見其險阻改砌於此故又

名袁公嶺即古陳溪

自此漸東曰雲峯山曰寶溪山大溪出其右曰

連江縣志

卷之一

山川

四

張旗山眾山飄揚如旗故名曰文筆山

一名雲臺

形如筆卓其

巔正辛其高千仞甲於諸峯

何其偉詩正位金方肅孤尊自一峯高收名勝望靜對典

型恭拔海亭天柱排雲避筆鋒兒孫觀衆岫四海此朝宗十二景一曰文筆春烟高夢月詩西山翠欲滴奇峯露露崔

兀倚天擬巨手欲寫風和月

自西而南曰金雞山相傳山石有聲剖之

見金雞飛去故名曰覆釜山

一名鼎石

巖洞多奇

有玉華洞旁有玉人峯上

有石池名玉女洗頭盆十二景一曰覆釜歸樵周正子詩盤陀懸覆釜樵子下山多馳擔追殘照觀棋怕爛柯暮烟凝澗壑晚唱起巖阿白石如堪煮何人隱薜蘿孫澄詩神仙不火食覆釜高峯巔俯視滄海小仰觀星斗偏英英誅管芽行行穿雲烟山中忘甲子柯爛知何年

山南曰石門

巨石雙峙道出其中十二景一曰石門斜

照周正子詩半輪懸昧谷宵宵落山椒暮色分鼇頂斜光轉樹腰晴天催罷牧野徑帶歸樵長嘯紅塵外殘鐘古寺

遙日矩庾山相傳矩庾二仙所居山半舊有尼院俗呼師姑山山下有

春堤秋浦雪塢雲潭諸勝日南乾山有仙人跡碁盤石日北乾山

山上有大石不着苔蘚日西泉山皆在覆釜山下其山頂之右隆巖

秀起隱如巨鼇出海之狀日金鼇十二景一日鼇峯雪霽無名氏詩陽崖耀初日

陰澗漲新瀾徑小樵自壽山發脉由湯嶺至此為治案山

踪滅林高鴉影寒

右轉為五馬山五峯拱向形如奔馬又東日大坪山頂

坦夷如平地日旗山有民居日彭田諺云貴如郝許富如田彭皆連舊族今訛

為彭日玉樓山一云月樓商泊在海中望此山為入港又東日

王孫山日雲居山山頂有塔日普光十二景一日雲居觀日王德溢詩峻嶒清杪傲孤寒片片閒

連江縣志

卷之一

山川

五

雲閣石欄島外點青天一角山根裊曲路千盤海騰日氣紅黃異地簇峯尖紫翠繁逐客江湖驚繒弋出聲猶恐動天關董應舉詩萬山東赴海一壑轉藏雲樹裡石爭出巖頭水迸分閒庭猶積葉高枕易成曛何處來清响潮音天外聞陳元登詩天星淡淡海門東遠籟寒吹萬里風獨立雲居丹嶂上俯看日出碧波中火燒銀的千重烟輪湧金光百道紅此際下方還熟睡雞聲曉角亂霜空周懋勳詩紫霧千層金躍冶寶光一片鏡登臺就中恍有飛鳥渡何地曾容夸父來吳文煥觀日記鄭子蓮水與余為雲居之約蓋不啻十年茲歲十一月抵連江鄭子來勞余問無恙外請申前約遂以戊戌日戒舟質明而前行同遊者為家希甫過荷山以掉未及登抵山藏舍舟上岸初由田壠間道旁瓦窰數座起烟縷縷田中新反土羣鳧鴨鳴草根趣甚已而路漸高逕漸狹懸崖削壁旁見錯出山泉亘之濕潤如沫因尋所謂指動石者得一小神洞巨石森峙役夫導觀其一以為是也指之不動按舊志似不在此蓋訛謬相傳土人亦襲而不覺矣旁一大石如槽役夫云此名踏碓石頗肖從此以上逕愈微愈陡膝頗拄頰得陂地少休

則東岱一城蜿蜒山際鄭子指謂此曩海寇所憑陵也以區區村砦橫當鯨鯢內援不至然猶逾數時而始罹屠戮之慘雖曰人和亦地險力今者洪水爲災漂蕩室宇連城傾圮且盡卒有一夫夜呼不知何以禦之徘徊良久尋逕而登忽有鴉青橫抹天末蒼茫粘接一碧無埃余驚絕大叫歎爲奇絕蓋余固海濱今乃始覩同遊者頗笑以爲少所見理或然也循嶺得石逕稍坦以至於寺距寺巨石峭立如壁有金華趙崇杙書刻旁有出米石今孔猶存寺僧肅客入余時病酒渴甚呼茗連啜之山中制茗殊有法最後出一種似蓮心而稍長色香味皆清絕又採苜蓿爲供苗青翠可目花如扁豆兩翼作檳榔文爲之下筋飲後走後山約百步許則巨浸稽天動心駭目菰蘆峽五虎門歷歷可見定海諸嶼皆若浮繫於微茫積氣中漁舟點點如粟已而白雲堆疊如絮如雪變幻不可端倪蓋午後風生銀濤山立遠觀疑以爲雲非寺僧言不知其誤也旋登普光塔天風四集吹人欲飛晚潮正平諸採捕歸港揚帆競發以百數計岱江罷釣景良不誣歸坐僧寮與羣峯相對逶迤起伏紫翠萬狀返照所射皆成寶氣次晨風興以陰

連江縣志

卷之一

山川

六

晦復就寢早膳復往遊所謂獅子巖者巖石奇峭絕倫膚瑩滑皴紋作波浪勢其頂平濶可晒稻寺僧能着履上下鄭子與希甫賈勇而登余仰面視之二人以爲怯在上呼笑爲樂然其下也則亦兩股掉慄以手據地矣枕巖爲寺已就頽圯然佛堂正面大海坐挹波光聞日初出時於此觀之最勝不比塔上有跋涉風露之煩也旣而往下菴行亂草中菴完潔埒上菴喬木陰森澗泉清泚以爲鄰村所鬻寺僧近皆亡去至乞一杯漿亦不可得殊爲恨事晌午還上寺鄭子預遣人市魚蟹沽酒適至相與狂飲至夜分伐鼓撞鐘繼以起舞寺中傭競來聚觀虎嘯戶外亦不之覺畧一假寐則寺僧促起觀日矣輕颺不生曉色初動扶曳登塔海氣濛濛已而有微光出水際殷然如朱四旁雲爛然成采凝注久之忽若鎔金之在冶稍露鋒穎旋復掩去豈塵骨凡胎羲輪薄之而却照耶抑願力未堅山靈以酒人相戲所以僂遇而復不遇耶然詢之寺僧言今日之觀十分亦得其一夫懷之十年隔以百里以信宿之須臾獲一見而不空返未可盡謂緣之慳也吾何爲不自慰哉疎雨尋作將敗遊事乃取十二光佛道遂入東岱休焉

下通大塊南有獅子巖山下村曰小塊曰百勝少轉曰東
岱山形如真武下降左有旌旗右有蛇龜又有鷺門石壇

皆其一脈周旋延袤居民稠密科第間出

明陳昂詩賜谷原排遶江鄉一

岱宗碧梧鳴鳳處快觀盡英雄十二景一日岱江罷釣無名氏詩苔磯初罷釣暝色上荷衣蜃氣雲間沒風帆鳥外歸竹深江路暗日下海天微誰解滄浪意山高月影輝
由金鰲山至此障於大江之

東延入小塊牛尾而入於海

治正北屏山曰九龍山一名

湖山山下

脈由洋門山會東塘入龍深山岡巒如龍際水墩在此

夾澗而出延及此為治後屏障古道場在焉世傳有香爐
飛置其上鄉人為官祀之今九天宮即其地也麓南突起

連江縣志

卷之一

山川

七

曰岱雲山曰龍卧山

閩都記云北枕香爐西聳文筆東挹龍卧三峯扼其口大坪橫其前洋

門東南下一支止於此

治東北方後翼鑪峯南下一支

至邱儲又分為二支一支南入烏巖路通茶壠

即長龍其嶺

路下達透堡又南曰新嶺入古洞山

有巨石仙人跡

至上王山浦

口嵐墩為止一支東入鹿池山

會民所居

下曰龜魚山又進而

東曰南峯山曰三德山

一云三台

其峯有三關鎖海門與治西

文筆對峙宋紹熙時儒學東向視若几案曰馬鞍山雙巒

連聳如馬鞍曰鼇鼻山越此為小亭定海山

定海最高曰龍山有石塔

一層自鑪峯至此又小北轉迤邐伏起四十里許至北茭山

止於海為東北方左翼

治西北方後翼白巖山北曰羅

漢山脉自羅源七景塘而來

羅漢山頂有石壇石池棋盤諸勝幽蘭奇竹倚馥襲人傳

有聖僧居其上

下為安定莆邊東下曰獅山下為溪東

鄭氏世居其地山

頂後曰鳳巖山

畚民所居

巖石幽異又東曰岐堦山西有雙髻

山遠望兩峯離立峯頂亂石叢簇草木生其上上豐下削狀如簪花之髻近觀則否

至東坂雙溪

而止崎堦之背北轉曰寶林山

全山巨石渾成如覆缶又嘉慶七年中裂為兩段

北轉曰松嶺山前對文殊為西北方右翼

治東江岸障

峙水口山有四一曰斗門山

在南岸上有塔曰舍光吳文華建

一曰洪塘

山在南岸

綿亘二里許山盡處地勢廻轉

俗名老鼠尾

與北岸瓦

連江縣志

卷之一

山川

八

窰山相對

民多陶瓦

一曰荷山

在北岸

山形如荷葉故名一曰嵐

墩山

在北岸

與洪塘山相望皆江門之扇鑰也

治東南海

中山有六曰荻蘆山

古名九龍山在澄巖南嶺下海中

其水曰荻蘆峽毗

連者曰福斗山

俗名熨斗

永樂七年內官鄭和奉命往西洋築

壇於此祀南海神

互見壇廟

二山與閩縣五虎山遙對為會城

東方海中門戶曰北竿塘山

卽下竿塘

山形峭拔與南竿塘並

峙卽上竿塘

中有白沙鏡港塍村芹石塘崎石尖孟塩諸地南

竿塘舊為連轄今割屬閩縣皆在定海外東南海中

三山志云

上下竿塘大小亭山桑嶼官嶺蛤沙北菱鎮俱在縣東北海中洪武初徙其民於內地

曰東洛山曰

西洛山曰西洋山皆在北茭外海中

方輿紀要云相近有拱嶼嘉靖三十五年

倭賊犯縣官軍擊却之賊夜遁由此出洋

是數山雖不附邑而亦邑治餘氣所

溢者焉

言川之大者莫過於海江次之連治東南巨浸江則西滙

衆流而下注者焉由江口之馬頭環一折再折而名杉子

崎者

俗呼淡水崎

是江海交接處也經山藏至東岱約計三十

里則海水洋洋矣由此而松塢而中麻而蛤沙而東坪而

小亭至於定海水洋距邑治七十里外此有雙龜五虎日

月兩嶼上下竿塘總督姚啓聖駐師之樂平沙皆環拱海

連江縣志

卷之一

山川

九

濱爲漁船停泊之所轉而東北則安海黃岐苔菜北茭奇

達入濂塢門而至馬鼻內成一小海其島有前嶼擔嶼下

與漁舫數百營生於此雖北茭之汎屬閩安濂塢屬羅營

而地皆連轄外洋也惟西洋之西南爲連東北爲福寧則

疆界久畫判不相蒙矣其自江南鋪右旋至下塘館頭與

閩縣之拱嶼爲接壤左旋至定安大嶼小嶼百勝距東岱

不遠十里外荻蘆七嶼又海中孤島與長樂之梅花山相

望焉

按海潮之來由南北竿塘大洋湧而會於進嶼門俟定海洋面潮半下目之水亦漲至洋面乃入於連江

福州二港汐時亦由此而出海四面西自月嶼至連江港西南自日嶼至福州港西北至蠟塢海岸南至梅花所南

菱北自後墘至北菱以外惟東面
四通八達揚帆放針無所不到

江曰鼇江按舊志城南

門外鼇江廣四百尺納古田芝浮懷安桃洲羅源黃土三
溪之水東下合磁窰峽口則注於海此必有據云然自雍
正乙巳丙午連年洪水郡守胡承謀履縣勘災以探討水
源屬令於是有陳君元劉爾魁者應命行遍閱上流盡得
其詳旬餘而返具爲圖以報則一自古田秀峯寺出一自
古田牛頭嶺出水至杉洋一百二十里會流於雙口渡一
自閩清二十九都雪峯出一自候官裡數百村出至大廷
坪皆一百八十里會流於雙口渡右而寧德之排樓溪羅

連江縣志

卷之一

山川

十

源之羅溪入焉左而閩清候官塘下之西峯水入焉又經
羅溪口而社坑新德院小王溪靈洋之水合焉又經西峯
而徐隆溪大王溪佳湖曲水溪之水總滙於掌瀨掌瀨與
小滄對溪故南而五縣寨溪口併候官之日溪悉注於小
滄而赤口溪口之水亦入焉嗣是而東北注者爲高岳爲
龍潭爲東岸自西南注者爲芙蓉溪爲貴湖溪至陳溪合
流七十里至治前爲鼇江又三十里爲岱江則衍蟾步浦
口之流而注焉者也夫以廣輪百里之地山川居其大半
其間前後左右輻輳廻互悉數之不能終其物必舉其大

而畧其細可乎今於山之屬得嶺峯巖洞石及巽與礁爲類七於川之屬得溪浦港潭泉池爲類六臚之如左

嶺在邑南道渡口以達會城者曰館頭嶺

乾隆四十七年崇禮鋪民林訓

九捐貲砌路五百丈嘉慶九年間其子維琮維機維琇全重修

達荻蘆七塊者曰澄巖嶺

道大塊以登雲居者曰儒洋嶺其入秦川以通閩縣之合

北里者曰東峯嶺界於海者曰馬頭嶺邑之東趨永貴里

者曰小塊嶺曰百勝嶺達蔴坂下濂者曰南峯嶺其毗於

白鶴亦可至鶯頭者曰官嶺踰此至象緯上宮者曰坑園

嶺北菱所經者曰大卞嶺邑之西北通福寧溫台南達省

連江縣志

卷之一

山川

十一

會者曰湯嶺曰陀市嶺曰俞裴嶺

舊傳路爲俞裴二姓所闢俗訛稱牛皮嶺

界

於丹陽龍門之中者曰東禪嶺邑之北其聯屬遏煞

按遏煞山

名曰矮嶺曰三望嶺其達於東塘洋門者曰龍滌嶺上至

長龍者曰洋門嶺邑之東北可通透堡以下者曰烏巖嶺

巖石黑色道仄而險上下峭壁數百丈舊有石橫梗路口者三馬鼻節婦林氏以五十金賃工鑿平之行人稱便

東折而注者曰透嶺 峯之拱立治南爲案者有金鼇峯

崔嵬以峙左門牛石右陽明石中如覆釜狀者有覆釜三

峯鍾氣於正南則有兌峯秦川山上嶙峋削瓣若芙蓉然

則有蓮花峯其在治之西北文殊山有羣玉峯峯之南又

有鳳楯峯以高僧得名則有降虎峯

卽寶林寺山獨覺林禪師馴虎其地

木陰翳時或見猩猩其中則有五峯挺於治之東北雖海

上可望見者有陀峯

卽陀嶺山

高十餘里諸峯環作五葉青蓮

者有香爐峯浮馬鼻海上與爐峯如相望則有龜峯聳秀

於建興積石則有髻美峯其在治東出雲居之上俯瞰大

海則有最高峯 巖之近在治西浮烟點黛分前後中爲

三者云寶華巖巨石峙立海濱舊爲戚少保殲倭處者云

百丈巖石峽壁立空其中得大士及倪公像者云倪公巖

片石起雲居山南僧寮倚爲屏是云獅子巖距安仁坡西

連江縣志

卷之一

山川

三

三里許峭壁下臨深澗紆爲小嶺陟險而後上是云菩薩

巖中鵠之里聳石爲青紫色傍鳳楯而高起者云紫巖

潘助

詩昔人自有兩赤壁此地何妨先紫巖潘號紫巖故也又云何當瀑布山前路卧看飛淙瀉石巖

洞之在

覆釜山中邃深可里許爲鼎石洞

舊有一線天馬鞍諸名凡十數洞今廢不盡闕

石門之麓嶺岬撐拄泉流激射聽如笙簧迭奏者爲清音

洞自一片瓦樓以入剔透而玲瓏者爲玉華洞北乾山徑

盤紆詰曲而登者爲盤谷洞由秦川蓮花山下聯絡里許

皆爲洞其畫屬連界者爲虎洞

地有青芝寺洞甚多皆董應舉所闢此洞舊有虎伏

焉董射而獲之故名按蓮花山西屬閩縣東屬連江

穴於馬鼻龜峯後者爲青藜洞

在透堡為山陽洞傍翠林白沙者為巖桂洞

明縣令劉燧愛其幽勝時

往遊焉

上澗之溪古樹交柯臨溪而竅穴為龍領洞 石在

寶巖之右若大魚昂首向空者謂鯉魚朝天石在北乾山

中有狀若幞頭者謂紗帽石在王孫山下草叢生其頂則

邑人多登第者謂狀元石

陳文亮詩荷山東望翠嵐滴是處危峯插天日峯頭一片狀元

石矗矗凌雲數千尺扶輿所掌自開闢堪與媧女立鰲極

在石門玉人峯之旁謂牡丹

石 龔況詩霞襯衣紅淺烟裝髻黛

在玉華洞有巨石廣覆

中為佛龕者謂一片瓦石在雲居山下有巨石附盤石之

上輕指輒動力撼則否者謂指動石山之半有團團成瓣

連江縣志

卷之一

山川

十三

者謂蓮花石其散見形似可指者謂踏凳石金雞石在蟾

步江濱有若脫韁渡流者謂石馬與之對峙大如透白肉

芝是謂石蛤在龍津之港若為蹄角立天將雨則見其汗

者謂石牛在壩江中及集上之鄉皆有若吞氣而曳尾者

謂石龜在馬鼻海岸疊石若馬聳峙權奇謂馬石在龜峯

後有迴掉百丈於大海中者謂龜尾石在安中有傍於道

遙寺而魁然者竅其中探之則香聞於外謂香石在雲峯

山中有形如月能明者是謂月石 巖為石山浮海中在

新安海岸其名梅巖在二十六都名墨巖名洋巖在二十

七都名月與名青與一作星在集政上里名鶴與名前與後

巽 礁豎石出舟行之下在荻蘆之港為三蒲礁在安慶

里海中者為猪頭礁亦名鳥猪礁為泥頭礁為白礁左岸有居民在

二十六都海中者為三髻礁自北菱山穿入於海復為巨

石湧出者為北菱礁北菱鼻前有小牛礁鼻左有大牛礁又有覆釜鳥喙二礁交錯豎立稍左

有仰月山障南下之水稍右有洋嶼山障東下之水兩水

合衝直注菱鼻巨浪橫激過此者必審風審流從省會出

五虎山者南風則順東北則逆俟汝水八分風雖逆而流

則順從福寧福安寧德羅源馬鼻入者西風則順東北則

逆俟塊面水汝五分風雖逆而流亦順此皆可投駛而過

若水長水滿風逆流逆衝舟竟行多有覆沒者不可不知

溪之在治南新安里源出文筆諸山澱澗下流合浦激而

連江縣志 山川 十四

入於江為民田資灌溉者名利安溪永樂十三年縣丞翁彥忠造紙場於利安

溪旁源出覆釜山下洞壑深邃合利安之水入於浦者名

尋廢地有寺今廢雪溪帶赤砂館前流經龍塘以入江者名竹溪治

西光臨里有源出雲峯山上自潘渡凌嶺以下達羅崙縈

繞民居如寶帶然名寶溪十二景一日潘渡風帆周正子詩雲擁潘家渡飛帆去復回乍

聞檐燕語復見岸花開潮滿瀨聲寂山僻在山隈不通孔道林巒美秀泉流其間者名蘆溪在清河里有為橫溪鰲

峰長熙崑邊四水所匯而東入江者名牛溪其石關溪口

下為潭上接朱翁水合三峽注之牛溪者名周溪其去治

七十里上受候官古田寧德羅源并連界之水以入江者
名陳溪治東嘉下里有源出烏巖澗水不竭近川居民引
為埧可以利田流經岱雲塘入於江者名財溪在保安里
而發源鑪峰之北相傳有赤鯉神靈能興雲致雨常潛其
中者名鯉溪其二十八都源出鹿池經益砌浦以入海者
名樵溪 浦在新安里矩庾村之西水自大江金鐘潭口
而入夾岬修篁幽深曲折曰秋江浦無名氏詩九曲篔簹
谷漁郎小艇通書聲
何處是颺
颺落江楓江南鋪之東有道利安溪入大江兩岸翠竹漾
流與秋江浦依稀比勝曰鑄鼎浦以居民多
業治故名欽平下里為

連江縣志

卷之一

山川

五

斗門瀦東湖水灌七里民田下通江潮曰珠浦又曰東浦
俗呼浦下

嘉下里之堡江潮障繞以行滋田以成膏腴者曰慕浦一名

幕川地為古浮洲世傳洪水不沒
堡之民居稠密余氏陳氏世居二十九都去治二十里

接江潮之水入以灌田曰浦口亦曰
珠浦永貴里去治十里江

水潮則由外浦上開環裡浦至洪塘汝則由洪塘開而下

日裡外浦皆曰浦頭 港有自邑之江口開舟越小塢牛

尾而入可達館頭至龍臺江者云荻蘆港有通流於海為

鯉溪之水所經行者云拱頭港定海近島引海水而入云

八使港 潭之在秋江浦石形嵌空有黑鯉宅之時或燒

尾而去者為金鐘潭

宋時有小尼結茅山上寶一小金鐘後為權貴所迫抱鐘自沉於山下江

中故名

其在寶華山下者為金鼓潭覆釜山中雲霧繁興晝

日如晦傳其旁古有牡丹生焉為覆釜潭互巨石於渡口

下沮深不測為橫槎潭岸側層石崩起障江流稍折而南

雲雷常起其地為石碣潭

上有顯佑王行祠今廢

依崖壁而水勢滌

洄龍亦潛焉者為小洄潭治東五里傳有歲旱而龍跨江

沙湧水數尺槁苗盡起為魚滄潭治東北三十里高崖峻

險人跡罕到霧霾陰翳者為財溪潭治北三十里洞所深

邃泚水澄瑩四時泛溢下注於東湖為洋門潭

即西村龍潭何其偉

連江縣志

卷之一

山川

六

遊記繇西村曲旋入溪約二里為龍潭土人云舊有龍今上下分潭二焉余遊時不見龍之為靈也然上潭頗不測溪所歷遠至此而夷水乃與石為避為讓石讓水而稍伏則水之潞者風能統之綺之羅之縠之細成紋而不亂水避石而稍迅則流之湍者石能琴之瑟之笙之磬之小成律而不姦於是乃據石之中間敷坐而引酌觀妙於水而悅在目聽妙於流而悅在耳至耳之聲漸遠而忽為震電為奔雷目之觀漸遠而忽為飛花為舞雪則水石之互角而瀉為懸瀑若螭之鬥而蛟之怒風之號而雨之泣倒峽排山震耳眩目遊者瞿然悚然矣此又無論龍與不龍即以為神物所居別幻靈境倘亦信然無足訝也從潭而下乃復為安流為細响逶迤出二里而滙為東湖湖光一望忽而盪胸豁目漭乎浩乎窮於無際而暢為大觀矣然則西村之面湖而背潭也乃擅其兩勝余但不能家耳而頻遊之樂則歲得二二三焉斯不可以不記

二十六都泉為三坎噴薄而出為松

泉潭

亦日龍井石壁千仞下有盤渦如井者三懸崖覆之風雨不及石皆純青如蔚藍色最上一井口大僅如

鏡泉自口噴出高起數丈瀉入第二井噴薄如初復瀉入第三井日凡數回下奔瀉為大溪溪行二里許兩旁及底皆全石無冰裂痕極光潔嫩草不生亦奇境也遊者俟噴泉偶靜倒身石上以手捫之如甕有肩云有龍潛其下第一井則冷峭實滑罕有人踪非禱雨不至矣沿溪為村落有一巨石如礪俗傳為楊八使繫龍所 峽山寺

側有孽龍居之寺僧能以無畏之術弭其怪為鉢孟潭陀

山中水盈大石之口下則深澗石旁有龍跡焉為金雞潭

亦云龍潭

在中鵠紫雲山之前者為石滄潭治西北安定里山

谷中石壁立數十丈下有靈物潛淵旱禱輒應為赤坑潭

其仁賢里之隈僻五峰聳列地幽邃而水澄鮮傳亦有龍

伏其中為五峰潭 泉之出西山兩峰間色味澄甘得賜

連江縣志

卷之一

山川

七

名於朝者有玉泉

在玉泉山談空亭下

玉泉山麓聖烈祠後於連泉

品為第一飲之可以療病有祠山泉中鵠之寶林院內為

高僧法詮欲建菴而苦乏水得虎跑而出之者有虎跑泉

秦川鏗泉堂之側夾二大石如甃可醒酒者有解醒泉

俗呼

金雞井

馬鼻海中湧則其地出貴者有石牛泉

明孫瑛嘗應之

於田

中得斥鹵味在元柄半塘間有鹹泉溫煖可浴在貴安道

旁有溫泉

貴安與湯嶺相近湯嶺之得名以地有溫泉也宋嘉祐二年縣令朱定建二室以別男女之浴

按溫泉有二一在陳山鋪後

池有為祝聖道場而闢者有三 一在邑

治之天王寺宋縣令宋日隆所為也

有石刻放生所三字後移道場扁於通濟

橋飛泳亭今不知亭址所在

一在治東龍興觀之左自前明而始創也

今池為沙汎管卒據以種蔬

一瑞蓮池在治西宋天禧乾興中每聖節

則率僚屬命緇流釋鱗介其中也其在斗門山麓水色常

黑溢則邑之登科者多日瑞墨池

此池尚在土人瀦水溉田

其在治東

二十九都日洗馬池

總而論之天下形勢山水而已山內氣也水外氣也外氣所以止內氣故千百里名山延袤必有川流縈絡以為之歸宿連治襟帶之水近者莫如洋門然洋門之水發源嶺頭故觀近脈者必自洋門嶺頭始遠者莫如橫溪然橫溪

連江縣志

卷之一

山川

六

之水發源施洋故觀遠脈者必自施洋始再遠出祖之水發自鼇峰故觀祖脈者又必自鼇峰始其餘甫邊之水出自七景塘寶林之水出自長熙貴安之水出自小滄雖總滙於羅崙特其旁支分注不必為一脈所迴旋也羅崙以下週身纏護環抱治前屈曲而東由治而觀枕山帶江羅城完固誠洋洋鉅觀矣至於出口有斗門諸山以為內關又有岱峰衆山以為捍門華表餘氣復行數十里左有蛤沙當沙以為外護右有大小塽定安以為外衛地戶可謂牢固而周密焉是故縣治其腹心也文殊諸山其元首也

嘉上里諸山其咽喉也馬鼻五圖其左臂也安定諸里其
右臂也奇達北茭延海則左股也永慶岱雲則右股也夫
榮衛健固則百體堅強允臧之卜宜亦有然當日之景岡
度流不誠爲連民圖千百世之利哉

形家以連邑山自西
來水亦自西至爲陰

陽交構之形但其勢太順賴江海
潮汐一日兩度逆上可補其闕

連江縣志卷之一

疆界 坊表附

古諸侯世守所受地畫區域而治亦計尺寸而爭其於疆界蓋綦重哉今海宇一家所謂郡邑猶巨室中前後左右少隔短墻焉已然既限以垣墉則此疆界內自當正封域固封守君國子民之道在是吾觀周禮遂人掌邦之野以土地之圖經田野造縣都形體之法而鄮鄙縣遂莫不有制掌其政令稽其人民苟不知其所止而民無所稽幾何不為奸宄之藪哉志疆界

連江縣志

卷之一

疆界

一

連江東一百四十里界二十六都之北菱入於海東之南界入海之閩縣境 舊志作長樂縣誤 東之北九十里界建興里之

北宮亭 與羅源縣接壤 西一百里界安中里之小滄西之南四十

五里界湯嶺之茶亭 與侯官縣接壤 西之北一百里界安定之瀾

水南二十里界館頭之新道秦川北六十里界龍門杜棠

與羅源縣接壤 自東徂西計一百四十里自南徂北計八十里截

長補短已百里有餘準諸周制封建是一大國也至其中

鄉都里圖歷代或分合或裁省并 國初迄今現立之十

三鋪二十里四十二圖所屬地方而為之具列并附見坊

表焉

邑舊有五鄉

寧善名聞

永福 五賢

太平

統里二十

欽平 嘉賢

永貴 安義

集政

崇德 保安

安仁 安宅

臨江

新安 光化

安慶 歸仁

安德 進賢

建興 敦賢 中

清河

宋分七鄉

分寧善鄉為東西二鄉 分永福鄉為南永福

統里二十四

分欽平里 為上下里

分嘉賢里為上下里 分集政里 為上下里 分崇德里為上下里

元復合為五鄉

鄉名如舊

統里二十一都四

分崇德里為四都 日二十九都二十

八都二十七都二十六都分安仁里為二里合光 化臨江為一里合敦賢歸仁為一里餘與宋同

明初仍為五鄉統一十九里三都三十七圖

併崇德里為 三都合安仁

連江縣志

卷之一

疆界

二

為一里省 安義里

正德間復為四都嘉靖間又復安義里至三十

一年壬子分二十八都附欽平上下里

國朝亦仍五鄉分十三鋪二十里三都統四十二圖

縣治美政橋直抵江南街東屬欽平下里西屬欽平上里

鋪三日縣前鋪

屬美政街

通濟鋪

屬大市街

江南鋪

屬江南街

宣化坊

在縣治前舊名美政坊 改今名

國朝順治年間知縣周雲龍重建後又

圮康熙二十六年 知縣閔達復建

親仁坊

有四在大市街四達之衢 宋咸淳間知縣宋日隆建

從雲坊

在通濟橋南 舊名躡雲坊

牙繡坊 在美政街明景泰四年按察司
僉事蔡潮為御史張子初建

四世登瀛坊 在美政街明宏治十五年知縣郭軒為副都
御史歐信建正德七年移建西門外嘉靖二

十一年洪水衝壞二十九年為其
孫思賢思誠聯登進士復建原所

紫誥褒榮坊 在美政街明嘉靖二十六年御史金
誠為贈御史孫坦御史孫文錫建

柱史坊 在美政街明嘉靖四十二年為御史
孫用建後燬崇禎間重建易名侍御

叅藩坊 在美政街明嘉靖三十
三年為叅政趙雍建

百歲耆儒坊 在美政街南明萬歷五年按察
使徐中行為教諭黃鳴鶴建

天錫綸褒坊 在美政街明嘉靖三十年
為副使吳世澤父吳瑋建

三世中丞坊 在美政街明萬歷七年為贈右都御史吳瑋
吳世澤都御史吳文華建原名天錫綸褒嘉

連江縣志

卷之一

疆界

三

靖三十年重建後改三
世中丞兩省學憲坊

亞元坊 在通濟橋南相公堤明宏
治三年為會魁楊公榮建

大司馬大中丞坊 在社壇巷口明萬歷七年為
南京兵部尚書吳文華建

科甲傳芳坊 在美政街明嘉靖三十四年為進士吳世澤
吳文華舉人吳應乾吳尙誠同建萬歷甲戌

被燬至戊
寅重修

大魁坊 在江南街永思庵旁明宣
德八年為榜眼趙恢建

大夫坊 在大市街為同
知吳尙誠建

世美坊 在江南街明成化十
七年為舉人趙壘建

縣治西欽平上里鋪五日崇雲鋪萬石鋪縣西鋪龍西鋪

寨門鋪 屬西門外

魁龍坊 在天王前街知縣宋日隆建

萬年坊 在天王寺前舊名壽山以本寺為祝聖道場故也

德進坊 在萬石街舊名彙征坊

澄清坊 在分司前舊名懷德坊明宣德九年知縣劉仲猷建

青雲坊 即龍津坊在仁壽街舊名叢桂知縣宋日隆以巷名龍津扁曰龍津坊與學前街鳳池坊相對明正統三年知縣周弁為舉人吳善建改今名

豸繡坊 在天王前街明宣德九年御史張鐸為御史孫欽建

起鳳坊 在王巷街明宏治三年為舉人陳元憲建

連江縣志 卷之一 疆界 四

進士坊 在魁龍街明嘉靖元年為進士朱冕建

世登進士坊 在萬石街明正德間為進士游義生游璉同建

稽古坊 在化龍街口明宏治三年為知縣陳儉建

文魁坊 在魁龍橋西明正統六年為舉人陳隆建宏治三年為其孫舉人陳寵重建

濟美坊 在西門大街明宣德間為舉人林榮林漢川父子重建

福星坊 在福星橋頭明嘉靖丁酉為叅政游璉建

聯英坊 在仁壽街舊名仁壽坊明正統六年知縣周弁為舉人趙璉趙臯父子建改今名

憲節流芳坊 在天王前街明宣德九年為副使林錦建後改建文山巷

孝子坊 一在仙塔街雍正七年為孝子張燾建 一在西上街乾隆二十六年為孝子蕭良輔建

縣治東欽平下里鋪五日資壽鋪東嶽鋪學前鋪崇禮鋪

縣尾鋪屬小北門外

起敬坊在城隍廟前

崇禮坊在彌陀寺前

鳳崗坊在治東北明知縣張聘夫建

連雲坊在鄭家巷口北對雲路坊元知縣李榮建

興賢坊在義井街舊名鳳池坊知縣宋日隆以鳳池由此而入故名明永樂初邑人周澤改建易斯名

雲路坊在義井街宋紹興間為侍郎李彌遜建後燬元至元間知縣竇茂發以地近泮宮重建易斯名

省元坊在務後街舊名梯雲坊宋嘉熙六年知縣陳沆為省魁常挺建

連江縣志

卷之一

疆界

五

登龍坊在資壽街舊名仁美坊宋咸淳乙丑知縣宋日隆為趙良榕登省文武進士改建易名

衣錦坊又名世美坊在王步街明宣德二年為進士林龜年林淮宗建

丹桂坊在宏路街口明正統三年為舉人周儀建

應奎坊在務後街明正統十二年為舉人趙琰建

解元坊在宏路街口明景泰元年為解元翁賓舉人翁士榮建

進士坊在學前街明景泰三年為進士陳鴻漸建邑人呼為東進士坊以別於西進士朱冕也

鳳鳴坊在長街明景泰七年為舉人林治建

登俊坊在雲路街明成化元年為舉人呂繼和建

梯雲坊在文山巷明成化五年為舉人章樓建

步蟾坊 在登雲街明成化九年為舉人陳從儒建

聯芳坊 在長街明成化十四年為舉人林彥修林彥學林智兄弟同建後併入鳳鳴坊

世科坊 在學前街明成化二十年為舉人陳謙光建

世英坊 在宏路街明成化二十三年為舉人翁士榮建後併入解元坊

憲節流芳賢科接武坊 在文山巷明成化九年為副使林錦舉人林評父子仝建

憲臺雙誥坊 在王步街明正德辛未為御史王德溢父王鋼建

郡伯坊 在王步街明正德戊寅為知府陳晴知州陳璽仝建

賢大夫坊 在王步街明萬歷間為同知王一岳建

司徒大夫坊 在王步街為郎中陳坦建

連江縣志 卷之一 疆界 六

大夫良牧坊 在王步街為知州陳址建

治西北一里迄十里圖五 上一 上二 上三 地名曰城

西 四宿 俗作四秀 小巖 青塘 別名梅塘 東湖 蓮花裡 崇壽

矮嶺 禪林前

右欽平上里 按欽平里舊名豐邑八閩志云縣東南四里有豐邑上里併入欽平今在附郭東西

則縣原在寧善鄉西北而後遷於此也惜記載闕畧舊縣在於何所今縣遷於何時皆不可考矣舊志以為在伏沙墩者近之

治東北一里迄十里圖五 下一 下二 下三 地名曰城

東 白沙 即伏沙 浦下 舊云東浦 龍卧 毗眺 烏石 岱雲 俗呼

大門石頭 山下 西林前 斗門頭 崇慶 灣裡 劉

家洞 黃家墩 宅柄 縣尾下 牛師巷

右欽平下里 舊名豐邑下里 并上里二圖十屬寧善鄉

文科坊 在白沙明景泰四年為舉人黃珪建

世科坊 在浦頭明景泰七年為舉人張偉建萬歷壬午再建改名豸胤繩芳坊為御史張子初張偉仝建

治西右一里迄三十里圖一 清河 地名曰祠山前 玉泉

山 社稷壇前 一名唐頭 觀音塔 白塔 小灣 別名松灣 上鳳汀

俗呼下鳳汀 俗呼石碣 俗呼羅崙 朱步 崎頭 港裡

黃灣 溪東 上社 義洋 陀市 陀嶺 周溪 陀

連江縣志 卷之一 疆界 七

口 白蓮嶺 以上今地名 福興寺 俗呼青墻頂 鐵場 繫牛坪 以上舊地名

右清河里 舊名光化今分一半附之

治西左三里迄四十里圖一 光臨 地名曰橫槎 白芒灣

俗呼張旗樓 小梅洋 大梅洋 寶溪 俗呼考溪 凌嶺 潘渡 洪

坑 雲峯 俗呼楓坪 蘆溪東 陳洋 湯嶺兜 貴安 柑灣

俗呼溪長 以上今地名 澗口 澗裡 鎮坪 甫頭 風潭 以上

舊地名

右光臨里 舊有光化臨江二里今併為一里

晝錦坊

在橫槎渡頭宋嘉定十五年為釋褐高夢月建

釋褐坊

在橫槎渡頭與晝錦坊隔江對峙亦為高夢月建

治西四十五里迄一百里圖一

安中

地名曰仁山 坡西

蘆瀨

高岳

舊為大鑿小鑿

小滄

虎頭山

赤石

東岍

以上

今地名 溪裡

西山

南山

甫邊

翁坪

白巖

瀨頭

赤猴巖

上塘演

梅洋

黃連坑

白馬巖

香庵

赤峙

小圳

東坑

朱洋

上寮

下寮

赤洋

東洋

掌瀨

溪西

圓阪

靈科

水溝

東馬

葛

光 赤坑

章洋

以上舊地名

連江縣志

卷之一

疆界

八

右安仁上中里

舊志元分安仁為上中二里今併為一

併上共里三圖三

屬太平鄉

治東北六里迄十五里圖一

嘉下

地名曰龍際嶺

鄭崎

東菴

官巷

財溪

幕浦

杉塘

山亭

漁滄

右嘉賢下里

治東北四十里迄五十里圖一

嘉上

地名曰茶隴

即長龍

下

洋

黃家墩

官倉下

邱儲

蘓安

院後

東嶺

嵐下

洪樵

新山壘整

高洋

真如

光化

以上今地名

九灣

張家灣

鄭家灣

郭家灣

唐灣

余家灣

翁家灣 櫻樹墩以上舊地名

右嘉賢上里

治北十里迄三十里圖一賢義地名日東塘 洋門 祠

臺 賢義 宏路 桂林俗呼舉嵐 朱灣 陳坑園 巖下

朱福嶺以上今地名 三望嶺 澗瀾 前甫 李灣以上舊地名

右賢義里舊有進賢里今與安義上里併為一

治北三十五里迄四十五里圖一安義地名日山邊 溪

尾 虎坑 新洋 茶園 上下洲 丹陽 花園 文

妹 旺庄 坑口 尖山 前園以上今地名 菱塘俗呼西塘 武林

連江縣志 **卷之一** 疆界 九

萬象山 寶恩寺前 鄭家浦以上舊地名

右安義里舊名安義下里

治北四十五里迄六十里圖一中鶴地名日山兜 前林

東禪 曾灣 鐘裡 坂頂 墩頭 松嶺 古竹

八卦墓 小溪尾 寶林 洋頭 布政坪 鳳巖 南

阪 過樓 蘆下 洋中 蕪厝裡 東山下 甫頭

杜棠以上今地名 新店 潘家崎 上鄭 下鄭 范家墩

後甫 鐘坑 後坑以上舊地名

右中鶴里舊名通化里

治西北三十五里迄五十里圖一 仁賢 地名曰大倉 朱

坑 後隴 溪邊 東阪 山坪 蓼沿 岐堯 白沙

翠林 朱公 大阪 仁坂 東菴 橫嵐 崑前

王坑 總洋 磨下 邵地 定田 利畚 以上今 饅頭

山 徐灣 洋灣 塘後 白巖 寶應寺前 坪對 以上

舊地名

右仁賢里 舊有歸仁崇賢二里今併為一里

治西北五十里迄一百里圖一 安定 地名曰大溪東 廣

化 崑邊 瀾水 高厝前 黃都 池窟 鄭坑 圳

連江縣志

卷之一

疆界

十

尾 林宅 茶園 障後 中蓬 龍潭 以上今 洋尾

湖洋 山良 曹家墩 上鄭 下鄭 東充 重裡

新村 菴東 斷流 墻頭 墻前 南園 顏坑 聶

園 亦作聶洋 登仙橋頭 以上舊地名

右安定里併上共里七圖七屬名聞鄉

治南二里迄二十里圖一 新安 地名曰矩庚 利安 官

莊 秋江浦 卽師始浦 石門 東峯 魁岐 秦川 東邊

館頭 大桃源 俗呼大長門 小桃源 俗呼小長門 門邊 以上今 水南

橫溪 赤砂館 欄坑 斗門 法巖 以上舊地名

右新安里

治南五里迄二十里圖三

慶一 慶二 慶三

慶一 慶二

地名曰東山 南

塘 蕪灣 院裡 澄巖 上斗門 下斗門 彭田

前坑 鏡路 天崎 見龍臺 花塢 儒洋 周嶺頭

三門後 大塢 亦名道塢 長沙 下崎 定安 亦名定灣 角崎

蘆塢 黃蝦 東岸 下邊 後沙 蓬崎 定岐 塘

下 福斗 俗呼熨斗 泥塢 自東岸下皆荻蘆地

右安慶里

登科坊 明天順三年為舉人林崧建

連江縣志

卷之一

疆界

二

治東七里迄三十里圖四

永一 永二 永三

永二 永四

地名曰何劉

俗呼荷頭

杉子崎 俗呼淡水崎

山藏 俗呼山堂

洋邊

洋西

南灣

上際

南山 外浦 裡浦 蟾步 白宮 張家灣 湖裡

洪塘 東岱 劉阪頭 山腰 阮坑 龍灣 大小斗

門頭 浦尾 浦頭 坑裡 小塢 亦名篠塢 百勝 關頭

右永貴里併上共里三圖八屬永福鄉

宋志永福鄉在縣南二十里有

南永福元時併為一今因之

毓秀坊

在東岱明正統十二年為舉人林墜建

治東北五十里迄六十里圖二

德一 德二

地名曰透堡

透堡

半街 東鄉 壠柄 田墘 拱頭 尖墩 龍頭俗呼

后田 月峯寺前 淨安寺前 盧家巷 狀元坊堦

晝繡坊堦 魚市 財嶺堦 葉舍頭 後溪 王塢

鑪山下 白雲隴 童井 葫蘆門 三墩

右安德里

狀元坊 宋淳熙元年為釋褐狀元鄭鑑建

晝繡坊 在透堡宋政和六年為進士王元鼎建

治東北六十里迄七十里圖二保一保二地名曰馬鼻 辰山

庄邊 東村 灣頭 鯉溪 館讀 邊坪 茶坪

連江縣志

卷之一

疆界

十三

永興嶺 徐窰一作儒窰 竹兜 牛頭灣 王師崎

右保安里

治東北七十里迄九十里圖一建興地名曰儒宅 梓錦

俗呼土坎 倉前 赤石 浮曦 北山 高墘 南洋 吳嶼

湖頭 塔前 大溪 土襪 崎頭 赤嶺 黃桑

高洋 牛洋 三角洋 中段 斗門頭 下倪

右建興里

世受覃恩坊 在倉前鎮坪乾隆五十二年為贈文林郎瞿茂拱瞿子海父子仝建

司牧坊 在倉前九龍坑乾隆五十二年為蔚州知州瞿儕鶴建

治東北七十里迄八十里圖二集一地名曰前巖 巖頭

巖尾 洪下下園 坑園 象緯 顏崎 上下宮

郭婆 飛紅以上今地名潘門前 九峯庄前 宮灣 西洋

山東財巖 九里 王江頭 牛路以上舊地名

右集政下里

治東北六十五里迄七十五里圖二集三地名曰洪下上

園 文頭山 鶴巖俗呼濮巖鶯頭 白鶴 麻裡 官倉坂

洋尾 石龜俗呼石菰塘邊 下濂 北畚 燕窩 後灣

網裡以上今地名梅洋 上村 下坂 塘口 五際 北

連江縣志 卷之一 疆界 十三

岸 峽山寺前 彌勒寺前 南峯嶺堦 北峯以上舊地名

右集政上里併上共里五圖九屬五賢鄉

治東二十五里迄四十里圖一二十地名曰小樵 大樵

樵頭 松塢 中麻 官嶺 蛤沙 南峯嶺 三坑

口以上今地名鏡前 蓬洋 徐山 南洋以上舊地名

右二十八都舊名崇德第三里又名招賢上里嘉靖壬子併入欽平上下里

治東十五里迄二十五里圖一二十地名曰上王 浦口

塔頭 嵐中 益砌 磁窰以上今地名半嶺 後山 王

崎 周坑 田頭 田中 官路邊 上窰 牛洋 墩

上 白邊坑 蕭坑 樵保 南山 保福寺前以上舊地名

右二十九都舊名崇德第四里又名招賢下里

攀桂坊明正統三年為舉人張貞建

治東六十里迄一百四十里圖一二十都地名曰官塢 安

海 黃岐 大汴 小汴 小邦 赤塢 赤財 後財

苔菜 北茭 松臯 奇達 江觀 上塘 下塘

後灣以上今地名 雙與 仰月 東路 西塢 後洋以上舊地名

右二十六都舊名崇德第一里

治東五十五里迄七十里圖一七二地名曰東坪 螞塢

連江縣志 卷之一 疆界 十四

大亭俗呼大埕 小亭俗呼小埕 星與 永寧寺前

右改二十七都二甲為今圖舊名崇德第二里

治東際海八十里圖一七一地名曰定海

右改二十七都一甲為今圖

考依山附海各圖環居錯處數計頗繁而或今昔易名或暫興久廢或流亡轉徙多非其故今取村落之存者彙列於前其不可攷者彙列於後竊望承平日久休養生息人民富庶土田漸復云爾

連江縣志卷之一

氣候

閩隸禹貢揚州之域分星為牛女連屬古晉安郡其占度一也但地處東南極偏雪霰之零有數年一見者有十數年一見者實與北方迥殊若記載所云冬無冰冬菽桃李冬華皆不足異也至於風雷雨暘之變豐歉早潦之占野老耕氓間有韻語足供採擇他若海為田園漁為衣食地勢使然約分農桑之半則相風趨潮有長年三老所必講者志氣候

連江縣志

卷之一

氣候

一

治歷者每月分一節一中共二十四氣盈虛晦朔悉準其候今就連地所熟聞者正月朔平旦漸風及暮漸晴日中有雲點綴者日三有其年主大豐缺一則不驗二月驚蟄

雷先發則多雨

諺云驚蟄未至雷先發四十九日不開雲

三月清明前浸種

諺云

清明爭出穀雨爭長穀雨後便可佈插矣茶筍之候亦然

四月立夏後逢庚入霉五月

芒種後逢子出霉得雨乃宜耕主豐年

諺云重霉重夏至碗飯堆撲鼻

芒

種日宜晴

諺云芒種下雨火燒溪夏至下雨爛草鞋

四月二十六為稻生日有

雨則吉

諺云熟不熟但看四月二十六南風吹過北將錢糴穀穀北風吹過南無錢也去擔

五月二

十為分龍日最忌晴

諺云分龍無雨高田莫佈言晚稻也

六月初三日有雨

則秋零

諺云六月初三雨七月做晴時晴時雨也

六月小暑前後宜晴

諺云芒種無稻

出夏至稻出齊至小暑前後則早稻收成之候故宜晴

八月寒露

諺云寒露秋分九

月重陽日晴則冬種多

諺云夏至有雷三伏冷重陽無雨一冬晴又云重陽晴米糧平皆以

重陽無雨則冬晴可以種麥

十一月冬至

諺云冬節在月頭棉衣棉被上高樓冬節在月尾放去犁

耜來著火土音讀火為悔蓋月首冬至則春入暮年氣候多暖

冬日熱則雨

諺云春寒雨至冬輔汗流

方言謂雨為輔又閩地雨雪皆在正月故春多寒

若月令七十二候先儒謂五日

為一候準之連地大率與中州相昉惟八月之蟄虫坯戶

為太早十二月之水澤腹堅為罕覯焉

風候

附

連江縣志

卷之一

氣候

二

濱海多風有所謂風報者即芭經所云暴也一月中初三

十八日每旬值七八九日皆為報期

諺云七無報八栖皇八無報九夜不得到

天光又云無事七八九莫向江中走皆言其必有也

一歲中起於九月初九日為重

陽報十二月二十四日為竈君報

以是日為民間祭竈之期

正月初九

日為玉皇報

俗言是日天帝誕辰也有報則夏秋間颶風將作漁家望天色日色雲色水色預知違避

無則大風驟作多不及防輒至

正月二十九日為烏九報

覆溺諺云玉皇無報漁家勿做
考古云高陽氏子饑凍正月晦日巷死世於是作糜棄破衣祝於巷口名送窮謂之窮九節今以窮九為烏九或以晦日故言烏但風報之
至豈不才子固靈耶
三月二十三日為媽祖報

俗呼天后為媽

祖五月二十日為分龍報

按歷書夏至後逢辰日為分龍

此報之大略也

定海志尙有九月十六日張良報二十七日冷風報十月初五日風信報初十日水仙王報二十六日翁爺報十一月十四日水仙報二十七日普庵報十二月二十九日火盆報正月初四日接神報二月初二日土地報初七日春期報十九日觀音報三月初三日真武報初七日閻王報十五日真君報四月初一日白龍報初八日太子報二十三日太保報二十五日龍神太白報五月初五日屈原報十三日關帝報又有輕者五月二十一日龍母報六月十二日彭祖報十八日彭祖婆報二十四日雷公又有非時報七月十五日鬼子報八月十五日魁星報

間作者風起輒有灰塵揚入几席如衛風注所云雨土蒙

霧者曰白芒報又九月內天色晦冥狂飈疊發積日彌月

烈於報風俗曰九橫風

橫去聲

又有颶風曰風灾

俗呼為颶

其作

靡有定候風性猛烈至於拔木發屋比報風加甚然皆作

連江縣志

卷之一

氣候

三

於五六月八月而秋尤甚

五月起者最凶諺云五月風灾母月月來相討稗海紀遊云臘

月二十四日至二十九日有南風則占來年有颶

古云夏秋之交大風名颶風言

具四方之風也有此風必有大雨聞雷則止無雷至七日

亦止其先有如斷虹之狀者見名曰颶母

又名破帆

然則颶自

音具初不音貝時人誤颶作颶以颶報音近乃合颶與報

而一之不知颶於夏秋乃作報則發於秋季止於夏中且

報古音為颶其行以東北止則自止與颶風之或行北或

兼行東北西北必回南風方止或行南又必回北風方止

皆不得而同也

憲副宋湊航海風信引言略云清明以後南風為常霜降以後北風為正南風壯而

順北風烈而嚴南風時發時息恐風不勝帆故舟以小為
穩北風一發難止恐帆不勝風故舟以大為穩海中之颶
四時皆發夏秋為多所現氣如虹如霧有風無雨名為颶
夏至後有北風必有颶信風起而雨隨之越三四日颶即
倏來少則一晝夜多則三日或自南轉北或自北轉南必
候西風其颶始定然後行舟土人謂正二三四月發者謂
颶五六七八月發者為颶颶甚於颶颶急於颶舟在洋中
遇颶可支颶則難受蓋颶散而颶風聚也按此特誤報於
颶而所別颶報非與連殊惟謂颶之為風四時皆發則見
聞殊異豈臺澎風信未可以連概之歟 連港避風泊船
要處長塢在定海界內北風可泊船螭塢在小亭界內此
處可避風下宮口下嶼裏滂門口沙灣俱在馬鼻海門裡
可泊
大船

潮候 附

候潮之法以大陰每月所躔而定其消長然月順天行積

連江縣志

卷之一

氣候

四

三十日始一周故每日所臨之位時有先後潮因之晝夜

凡再至旦晚不同連海水潮汐分為一十五節 初一十六 晝潮卯正

三刻汝則午夜潮酉正三刻汝則子初二十七晝潮辰初

三刻汝則未夜潮戌初三刻汝則丑初三十八晝潮辰正

三刻汝則未夜潮戌正三刻汝則丑末初四十九晝潮

巳初三刻汝則申夜潮亥初三刻汝則寅初五二十晝潮

巳正三刻汝則申末夜潮亥正三刻汝則寅末初六二十

一晝潮午初三刻汝則酉夜潮子初三刻汝則卯初七二

十二晝潮午正三刻汝則酉末夜潮子正三刻汝則卯末

初八二十三晝潮未初一刻汝則戌夜潮丑初一刻汝則

辰初九二十四晝潮未初三刻汝則戌中夜潮丑初三刻

汝則辰中初十二十五晝潮未正一刻汝則戌中夜潮丑

正一刻汝則辰中十一二十六晝潮未正三刻汝則戌末

夜潮丑正三刻汝則辰末十二二十七晝潮申初三刻汝

則亥夜潮寅初三刻汝則巳十三二十八晝潮申正二刻

汝則子夜潮寅正二刻汝則巳末十四二十九晝潮酉初

一刻汝則子夜潮卯初一刻汝則午十五三十晝
潮酉初四刻汝則子未夜潮卯初四刻汝則午未
以通濟橋下爲期與海中差有先後每逢朔望則潮勢極

盛云

八月望
尤可觀

浙江縣志

卷之一

氣候

五

連江縣志卷之一

風俗

禹貢志山川不志風俗風俗由上之化也詩十五國風有正亦有變勸懲之旨昭焉後世如應劭風俗通崔實四民月令宗懔荆楚歲時記亦足擴廓記聞供資摭拾誠以不日進而上卽日流而下其間或數年一易或數十年一易是在培化原者審淳澆別淑慝整齊而畫一之哉志風俗林畊貢士莊記云地瘠民貧按連俗重去其鄉農圃而外無工商於外者地力所出有限貧有由致

連江縣志

卷之一

風俗

一

何喬遠閩書云連亦有山海之利鮮厚貲其民舒緩而用儉按西北負山東南臨海山居而夫力耕耘婦勤織紵濱海而男事漁釣女治簪屨勤儉猶昔在城市中者則家習鍊珍人甘軟飽服食器用豐華相尙率過程度而不自知矣至於無賴少年籍軍伍充輿僮翱翔里巷欺弱凌寡風猶未寢云

福州府志云郡之儒風最盛閩侯長樂而外連江其上也今士習稍靡俗亦以儒爲戲

舊志云連俗素稱家尙禮讓人恥輕薄至明季則競奢華

好詞訟今惟詩禮之家傳世清貧廉隅自飭無累有司若夫閨門許字義重一諾臨喪殉烈白首完貞皆他邑所不能及

舊志云嫁娶向嚴非偶然貧富相競有鬻產辦奩者獨至延師則織毫必較諺云有千金嫁女無百金教子信然婦女出遊向惟燈夕有之比來踏青競渡男女踵接舟錯覓尼媪姥時有相從出入者

墳墓堂防率皆甃石所成計工累月頡頏中產雖非稱家之道猶日以報罔極耳至有惑青鳥之說載卜載止出祖連江縣志

卷之一

風俗

二

無期者語云山川而能語葬師食無所誠可慨也幸縉紳家無之冠笄之禮久廢男女年十六以上延巫設醮大會親友告成人於神謂之出幼

婚姻之禮議親行媒互通男女生辰鄉貫納采定聘請期悉依家禮佳期前夕男女家皆請宴謂之鬧廳女家先送粧奩役者謂之伙奩具豐者兼有女婢謂之從嫁及期男女家各以親眷送迎於中道婦至門男子啓轎以指環交贊引婦下輿拜神祇宗祖畢交拜進房撒帳行合巹禮次

日出房下厨伴媒喝采爲樂出拜舅姑於堂延尊長女客以次受叅各袖出紅儀一封謂之見禮三日內女家送茶餅日餽女三日外請婿與女同歸曰回馬夫婿不親迎久矣然而婚禮不用樂連之舊俗猶守之近世數十年間又通用鼓樂矣嘉慶七年士大夫有相約禁止者齊民亦樂從之以爲遵古便俗也

喪家於蓋棺之夕延巫作醮置燈樹男女環哭俗名悅尸又以其誦藥師經謂之藥師皆非禮也擇日成服赴告親屬外戚畢至每七日致祭四十九日而止謂之終七孝男

連江縣志

卷之一

風俗

三

凶服率服親遣人前行延門投帖名曰謝香

此舊俗也乾隆三十年以

後此禮遂廢但受吊時必叩頭稱謝

百日內朝夕上食三年內朔望哭臨期

而小祥再期大祥葬有祖奠親朋有會葬預請名望尊重者屆期題主反則虞祭祔主於寢此等禮俗皆未大戾於古其最不可解者有二主人遭喪何等皇遽今以送終之具盡委匠人而舉家男婦只管措辦酒食以待親朋來弔者多則二三十席少亦十餘席方入木就殯輒號呶滿室無識者以爲風光誰知其節棺衾之費以取悅外人乎出葬前期開門延弔主人披麻帶經賓客素服臨喪而張樂

高唱胡爲乎喪家之庭計唯旣葬釋服然後鼓樂迎主而回可也士大夫明知其失而憚於違衆無乃惑甚祭則世族之家有宗祠四時薦獻忌日必奠外祭土神并祈禳水旱災疾多以巫爲之

父母年逾五十則稱壽多於生辰或元旦乞壽文書屏障設樂召客人子力能致於其親者初不吝也

生子湯餅有會彌月有慶期而試週男用劍戟硯筆女用尺刀針線羅置兒前以觀所取皆沿江南遺俗

元旦祈年嚴潔廳事陳設香燭焚楮帛拜神祇以祈靈貺連江縣志

卷之二

風俗

四

次拜家先畢詣拜里神隨入祖廟合族序拜以側柏插柿蒂疊橘上各領一二枚取百事吉之兆節假五日內人家各隨豐儉以酒食召客

賀年紳衿盛服詣官師投刺稱賀隨及親族鄰里往反更迭兵丁跪叩將弁庶民不上謁而相慶賀盡節假乃止官師之於紳衿次日行帖一答拜而已

舊俗節假五日市不交易以人家皆有宿儲也近來唯元旦輟市初二以後商旅皆行矣

立春前一日里長結綵亭故事縣官率僚屬祭勾芒於東

郊役者各執春鞭綵花迎土牛詣縣門當日祭太歲畢鞭春碎土牛縣役鼓吹送春至搢紳家

正月初旬夜夜迎燈相傳邑多火患蓋因南方廉貞之熾故預爲燈火角逐以厭之蠟燭果酒費出前歲得喜家但悍少年好勝往往彼此爭先遂成鬥毆故官有示禁

迎神於五日雞鳴洒掃設果酒香燈迎拜諸神俗傳以前臘二十四日昇天至是日下降也

五日外謂之開假城內外居民各携長幼持紙錢掛墳春秋又有墓祭

連江縣志

卷之二

風俗

五

初十夜鄉宰猪置酒擇潔淨家設香案禮神中衢燃火爆達旦名曰供過良辰俗傳元大帥按戢閩中邑於是日納貢歸歛境內祈禳以供其過後沿爲俗

上元張燈舊俗凡五夜自十四至十八止後至十九二十乃縣令錢九思所增也今多起十三迄二十每夕祖廟里社各焚香燭間作燈市粧鼇山於衢放蛾兒雪柳治酒相邀十四十五二夜瀕江之家備燈集通濟橋下候潮順流蔽江燦若繁星名曰水燈按方言謂燈爲丁富貴家曲房燕寢無不張設取添丁義也女初嫁必於上元送燈久未

得子者亦然十五夜婦女多往臨水廟祈嗣

燈節後延師朱明之世里各有塾歲前父兄集議必求學識行誼可爲師表者推有力爲首列弟子於闕敬謁以請卜日上學弟子迎謁四拜執經受業薪米酒饌所需皆給誦聲閭巷相聞近者我求童蒙師多自貶王亦曲徇佻達少年因之隨意去就宜徵逐慕悅之風熾也

二十九日家家以芋菽及諸菓和米作糜或相饋餉名烏

九粥俗云食之却病

舊志云俗呼青粥農家食之以爲治田之吉

寒食踏青採野菜爲臠閩中以二月二日爲踏青節

連江縣志

卷之一

風俗

六

三月三日懸薺菜於門或備牲酒至南宮謁拜英顯神以除不祥亦上巳祓禊遺意

清明日比戶插柳枝試新茶用細艾葉搗勻和餈米爲餠互相餉遺當卽青粉團烏柏飯之意民間多於是日掃墓官以羊豕飯酒祭邑厲壇各里亦然

立夏家家以韭和米麵蒸食之名曰夏饌

四月初八日浮屠氏浴佛節遍走里巷謂之洗災佛家云是日淨梵王太子釋迦生

端午門楣懸艾蒲以禳沴氣鄉村採楝葉插之謂可禁蚊

兒女子繫五色線於臂名長命縷兼佩朱書小符至七夕始解婦女爲繭虎繭花夾艾蒲簪髻當午剪蒲和雄黃入酒飲之以其滓塗小兒耳鼻云可辟毒放雄黃烟於屋壁床帳之間以除蚤虱又多採諸藥品蓄之用箬葉裹黏米作角黍名曰糗先薦祖考後相餉遺自初一至五日城中及附郭境社爲龍舟競渡之戲好事者樹標通濟橋上以先過橋者奪標大半皆倣荆楚之遺俗也至於彩幣相慶賀倖勝者亦居之不疑迎神設供且書土偶名帖投遞往來耗竭財力徒博痴呆真可笑也

連江縣志

卷之一

風俗

七

七月七夕列酒果於庭兒女羅拜月下祝牛女二星乞巧以絲線穿針孔引之輒過者爲得巧是日以瓜棗雕刻爲龍鳳形具茶果獻尊長食桃仁以明日家家作豇豆粥食之

中元七月十五日邑人多營齋薦亡就寺觀作盂蘭會爲死者解脫是謂鬼節士大夫具祭於家以楮衣焚獻謂之燒紙衣官祭邑厲壇如清明節各里亦然

八月十五日豪家置酒張樂以賞中秋市粥大餅謂之中秋餅遊人相率至通濟橋觀潮

九月九日登高放風鳶以菊花延年茱萸辟毒悉飲之簪之蓋本費長房語也舊俗間或有之今不盡然但掃墓多以是日舉

十月朔爲下元官祭邑厲壇如中元各里亦然俗多於通衢延僧施食謂之燄口冬間各里社召僧作無遮大會日普度或三日或七日費數十金百金不等殊不可解

冬至俗以糯米粉相餉前一夜搓以爲丸晨薦先祖而後食之取團圓之義富家於冬至前爲釀以水泉未動可以經久又併力舂米藏之可以不蛀謂之過年米

連江縣志

卷之一

風俗

八

十二月二十四日祀竈用酒果飴糖之屬俗謂竈神言人過於天帝以此媚之欲其甜口也前數日縛竹梢屬於長竿之首遍掃屋宇以清塵換門神更楹帖以迎新二十七八日以歲物相餽曰分年里神祖先亦有分年祭

除夕家家蓄餚饌以備新年燕飲又炊飯數甑供獻於家爲節假內之儲謂之隔年飯是夜架薪竹滿盆燃之焠爍有聲謂之燒火爆長幼宴集謂之團歲明燈徹夜謂之照歲夜半占鼠叫則年豐犬嗥則多盜猫吠則多虎除夕前一夜謂之小歲亦宴飲明燈畧如除夜

禱雨多在三月春旱七月秋旱之時鄉民齋戒延巫設醮
建素旗衣素服以柳竹枝環首鳴鑼伐鼓呼籲於深山大
澤以爲有龍能致雨也三日不應則喧闐公署縣官爲徒
步拈香禱於城隍東嶽或金鐘潭暫輟刑名禁屠宰雨洽
乃止若淫雨祈晴在連俗則少殺矣

